



Inatsisartunut ilaasortaq Saxdorph Didriksen
Inatsisartut
/MAANI

§ 37 nr. 2014-082-mut saarullinnut akuersissutit tunniunneqartut pillugit apeqqummut akissut

11-04-2014
Suliap nr. 2014-098055
All. nr. 1534857

Inatsisartut suleriaasianni § 37 imm. 1 naapertorlugu Naalakkersuisunut apeqquqteqarputit aalisarnermut akuersissutinik saarullinnut akuersissutit kiisalu saarullittassiissutit qaffanneqarsinnaaneri pillugit. Aammattaaq apeqquqteqarputit tunitsiviit matoqqasut pillugit suliniuteqartoqarnersoq. Apeqqut uannut akisassanngorlugu innersuussutigineqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1. Aalisarnermut akuersissutinik (Licens) Saarullinnut akuersissutit qanoq amerlatigisut tunniunneqarpat Naalakkersuinikkut nikittoqareernerata kingorna?
2. Nunaqarfinni illoqarfinnilu tunitsivinnik matoqqaannartunik siornatigut iliuuseqarfigineqarneq ajortut ullumikkut qanoq sulissutigineqarpat?
3. Nunatsinni saarullit kingumut takkukkiartuinnarnerata kingunerisaanik saarullinnik pisassanik qaffaanissamik Naalakkersuisut pilersaaruteqarpat?

Akissut:

1-mut):

5. april 2013-imi Naalakkersuisuusut ivertinneqarnerisa kingorna sinerissap qanittuani aalisartunut saarullinniarnissamut akuersissutit 1173-it tunniunneqarput. Taakkunannga 108-t inunnet suliffeqarfinnulluunniit siornatigut saarullinniarnissamut akuersissutinik tunineqarsimangitsunut tunniussisoqarsimavoq. Naatsorsuutit Naalakkersuisut ivertinneqarnerannit 5. april 2013-imit 8. april 2014-imut tunngapput.

2-mut):

Tunitsiviit sinerissami nunaqarfinni illoqarfinnilu arlalinni matoqqasut ilagaat tunitsiviit qulit Royal Greenland A/S-ip Arctic Green Food A/S-imit akiliisinnaajunnaarmat tigunikuusai. Tunitsiviit arlallit tiguneqarneranni aserfallassimaqaat ukiunilu arlaqartuni aserfallatsaalineqarsimanginneri ersarilluni. Taamaallaat Qaanaaq Maniitsorlu Royal Greenlandip tigusinerata nalaanni akuersissuteqarput. Royal Greenland ilisimatitsivoq tunitsiviit matoqqanikut aallartisaqqinniarlugit annertujaamik aningaasaliisimallutik. Aallartilluareerpullu. Taamaalilluni ilisimatitsissutigineqarpoq tunitsiviit Aappilattumiittoq, Attumi Ikamiunilu kingusinnerpaamik 1. juni 2014-imi ammaqqinnissaannut piareersimassasut. Napasumi piginnittoq nutaaq Lilleholm ApS nalunaarpoq tunitsivik kingusinnerpaamik 15. juni 2014-imi atorneqarnissaa naatsorsuutaasoq. Umiarsuarmik tunitsiviliisoqassappat tassungaluunniit periarfissaqassappat tamatumunnga qinnuteqaat Naalakkersuisut akuerissavaat.

3-mut)

Saarullinnut pisassiissutit ukiuni marlussunni nugullugit aalisarneqartanngillat. Aasap ingerlanerani paasinarsissagaluarpas sinerissap qanittuani saarullittassiissutit suli

amerlineqarnissaat pisariaqartoq pisassiissutit qaffaqqinnissaannik qinnuteqaat Naalakkersuisut taamaammat ajorinaviangilaat. Una inassuteqaat ukiuni kingullerni marlussunni pisaqamalluarnermik aalisakkallu tunisat angissusaat eqqarsaatigalugu pitsaasuunerannik tunngaveqarpoq, soorluttaaq naatsorsuutigineqartoq saarullit 2009-nisat ukioq manna aalisarnermut tapertaalluarumaartut. Naalakkersuisut aamma kissaatigaat aalisarnikkut sinerissami inuiaqatigiit suliffissaqartinnissaat qularnaarneqassasoq.

Inussiarnersumik inuulluaqqusillunga

Finn Karlsen